



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 3 БАСПАСӨЗ Р Е Л И З 1

2011 жылғы 4 ақпан

Берлиндегі «World Money Fair»
халықаралық көрмесінде
Krause Publications өткізген монеталар
конкурсының қорытындысы туралы

2011 жылғы 29 қаңтарда Берлиндегі «World Money Fair» халықаралық көрмесінде Krause Publications өткізген конкурстың қорытындысы шығарылды.

Конкурс шеңберінде монета сарайларында соғылған немесе мемлекеттік органдар – эмитенттер шығарған бірнеше номинациядағы ең үздік жыл монеталары анықталды.

Құрамында монета сарайларының, Орталық банктердің, мұражайлардың, нумизматикалық ұйымдардың, журналистердің және жеке сарапшылардың 17 елден келген өкілдері бар конкурс комиссиясы конкурсты өткізу кезінде шығарылған коллекциялық және ескерткіш монеталарды өз беттерінше іріктейді. Монеталарды бағалауда дизайнның тартымдылығын, көркем орындалуын және соғу сапасын бағалау негізге алынды.

Қазақстан Республикасы Ұлттық Банкінің «Ұлы қолбасшылар» сериясынан «Аттила» ескерткіш күміс монетасына «Тарихи тақырып бойынша ең үздік монета» номинациясында «Жылдың ең үздік монетасы» наградасы берілді.



«Ұлы қолбасшылар» сериясынан номиналы 100 теңгелік «Аттила» коллекциялық монетасы айналысқа 2009 жылғы 2 қазанда шығарылды.



Монетаның бет жағында (аверсінде) ортада Қазақстан Республикасының елтаңбасы, монетаның номиналын білдіретін «100 ТЕŃГЕ» деген жазба, шауып келе жатқан ат үстіндегі жауынгердің бейнесі, Қазақстан теңге сарайының тауар белгісі және соғылған жылын білдіретін «2009» деген сан бейнеленген. Айналдыра шығыңқы жиек жүргізілген, мемлекеттік тілде «ҚАЗАҚСТАН ҰЛТТЫҚ БАНКІ» және ағылшын тілінде «NATIONAL BANK OF KAZAKHSTAN» деген жазулар бар. Жазулар нүктелермен бөлінген.

Монетаның сырт жағында (реверсінде) ортада Аттиланың бейнесі бар көне медальонның алтындатылған бейнесі орналасқан. Медальон бейнесінің сол жағында монета дайындалған металды және оның сынамын білдіретін «Ag 925», оң жағында – монетаның массасын білдіретін «31,1gr.» деген жазу бар. Төменгі бөлігінде шауып келе жатқан үш атты жауынгер бейнеленген. Жоғарғы бөлікте айналдыра «ATTILA THE HUN» деген ағылшын тіліндегі жазу және қолбасшының өмір сүрген жылдарын бейнелейтін «406 - 453» деген сандар орналасқан. Айналдыра шығыңқы жиек жүргізілген.

Монетаның бет және сырт жағындағы бейнелер мен жазулар бедерленген.

Қыры (гурты) бедерлі.

Монета 925 сынамды күмістен, массасы – 31,1 грамм, диаметрі – 38,61 мм, «proof» сапасымен дайындалған.

Ең көп таралымы – 13 мың дана (Қазақстанның ішкі нарығы үшін 3 мың дана).